



UPRAVA POLICIJE

Broj: 05-04/06-11-1198/24/RS

Datum: 26.11.2024. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama BiH („Sl. glasnik BiH“, broj: 39/14, 59/22 i 50/24), Preporuke o izboru najpovoljnijeg ponuđača broj: 05-04/01-1-11-1198/24 od 21.11.2024. godine, člana 26. i člana 27. stav (3) Zakona o unutrašnjim poslovima Unsko-sanskog kantona („Službeni glasnik USK - a“, broj 13/16, 16/17 i 8/24), te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23) u postupku javne nabavke usluga obaveznog i kasko osiguranja vozila sa osiguranjem putnika za 2025. godinu za potrebe Uprave policije MUP USK-a, direktor Uprave policije MUP USK-a **d o n o s i :**

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javne nabavke broj: 05-04/01-1-11-1198/24 od 21.11.2024. godine i ugovor za javnu nabavku usluga obaveznog i kasko osiguranja službenih vozila sa osiguranjem putnika za 2025. godinu dodjeljuje se ponuđaču „**SARAJEVO - OSIGURANJE**“ **D.D. SARAJEVO** za ponuđenu ukupnu cijenu u iznosu od **54.942,13 KM** (slovima: pedesetčetirihiljadedevedestotinačetredesetdva i 13/100 KM) bez uračunatog PDV-a, na osnovu kriterija za dodjelu ugovora „najniža cijena“.

Član 2.

Izabrani ponuđač je dužan da u roku od 7 (sedam) dana od dana prijema ove odluke dostavi originale ili ovjerene kopije dokumenata iz člana 45. Zakona o javnim nabavkama. Ova obaveza se ne odnosi na ponuđača koji je ovjerene/originalne dokumente iz člana 45. ZJN dostavio u sastavu svoje ponude.

Član 3.

Po pravosnažnosti ove odluke, Ugovorni organ će pozvati izabranog ponuđača radi zaključenja ugovora o nabavci kojim će se regulisati međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

Član 4.

Za izvršenje ove odluke zadužuje se i ovlašćuje Odsjek za materijalno opremanje i komercijalne poslove Sektora za materijalno-finansijske poslove i informacijsko – komunikacijske tehnologije Uprave policije MUP USK-a.

Član 5.

Ova odluka će biti objavljena na web-stranici Ugovornog organa www.mupusk.gov.ba uz istovremeno upućivanje svim ponuđačima koji su učestvovali u postupku javne nabavke, i to elektronskim sredstvom (e-mailom), shodno članu 70. stav (2) i stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je posebnom odlukom o pokretanju postupka javne nabavke broj: 05-04/06-11-1198/24/RS od 18.10.2024. godine.

Javna nabavka je provedena primjenom otvorenog postupka za dostavljanje ponuda u skladu sa Zakonom o javnim nabavkama BiH („Sl. glasnik BiH“, br. 39/14, 59/22 i 50/24), podzakonskim i internim aktima.

Procijenjena vrijednost javne nabavke bez PDV-a iznosi 95.000,00 KM (slovima: devedesetpethiljada i 00/100 KM).

Kriterij za dodjelu ugovora je najniža cijena.

Obavještenje o nabavci broj: 20936-1-2-79-3-50/24 objavljeno je dana 21.10.2024. godine na Portalu javnih nabavki.

Krajnji rok za prijem ponuda bio je dana 12.11.2024. godine do 09:00 sati.

Komisija za javne nabavke Uprave policije MUP USK-a imenovana je Rješenjem broj: 05-04/04-2-11-585/23 od 06.06.2023. godine, od 29.04.2024. godine, od 22.07.2024. godine i od 16.09.2024. godine

Komisija za javne nabavke dostavila je Odsjeku za materijalno opremanje i komercijalne poslove Zapisnik o otvaranju ponuda broj: 05-04/01-1-11-1198/24 od 12.11.2024. godine i Zapisnik o ocjeni ponuda broj: 05-04/01-1-11-1198/24 od 21.11.2024. godine sa Preporukom o izboru najpovoljnijeg ponuđača broj: 05-04/01-1-11-1198/24 od 21.11.2024. godine u predmetnom postupku javne nabavke.

U postupku po zapisniku o otvaranju i ocjeni ponuda je utvrđeno da je Komisija za javne nabavke blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno 5 (pet) ponuda;
- da su sve ponude blagovremeno primljene;
- da nije bilo neblagovremeno primljenih ponuda;
- da su ponude ponuđača: TRIGLAV OSIGURANJE D.D., SARAJEVO - OSIGURANJE D.D., EUROHERC OSIGURANJE D.D. i GRAWE OSIGURANJE D.D. prihvatljive
- da je ponuda ponuđača ASA CENTRAL OSIGURANJE D.D. neprihvatljiva

Dalji postupak Komisija za javne nabavke je provela u dvije faze:

- u prvoj fazi obavljena je provjera kvalifikacija ponuđača, prema uslovima i kriterijima utvrđenim u tenderskoj dokumentaciji,
- u drugoj fazi date su preporuke Ugovornom organu za dalje postupanje u ovom predmetu.

Uvidom u dostavljenu ponudu ponuđača ASA CENTRAL OSIGURANJE D.D., Komisija konstatuje da je cijena ponude ovog ponuđača veća od procijenjene vrijednosti nabavke, pa je ova ponuda ocijenjena kao neprihvatljiva.

Naime, kako je navedeni ponuđač u svojoj ponudi ponudio ukupnu cijenu u iznosu od 101.132,16 KM bez PDV-a, a Ugovorni organ je za ovaj postupak javne nabavke planirao odnosno obezbjedio u budžetu ukupno 95.000,00 KM, ponuda ovog ponuđača je u skladu sa članom 2. stav (1) tačka 1) alineja (2) Zakona o javnim nabavkama ocijenjena kao neprihvatljiva.

Uvidom u dostavljene ponude ponuđača: TRIGLAV OSIGURANJE D.D., SARAJEVO OSIGURANJE D.D., EUROHERC OSIGURANJE D.D. i GRAWE OSIGURANJE D.D., Komisija je konstatovala da su ponude navedenih ponuđača sačinjene u skladu sa uvjetima traženim tenderskom dokumentacijom, te su ocijenjene kao **prihvatljive**.

Ugovorni organ u ovom postupku javne nabavke nije proveo e-aukciju na Portalu javnih nabavki u skladu sa Pravilnikom o uslovima i načinu korištenja e-aukcije („Sl. glasnik BiH“, broj: 80/23), te će ugovor za nabavku usluga obaveznog i kasko osiguranja službenih vozila sa osiguranjem putnika Uprave policije MUP USK-a za 2025. godinu, biti dodijeljen ponuđaču SARAJEVO OSIGURANJE D.D. SARAJEVO na osnovu kriterija za dodjelu ugovora „najniža cijena“ za ponudenu ukupnu cijenu u iznosu od 54.942,13 KM.

Podaci o ponuđaču čija je ponuda ocijenjena kao najpovoljnija:

PODACI O NAJPOVOLJNIJEM PONUĐAČU	
Naziv ponuđača	SARAJEVO OSIGURANJE D.D. SARAJEVO
Sjedište i adresa	ulica Maršala Tita broj 29, 71000 Sarajevo

Ukupna cijena ponude bez PDV-a	54.942,13 KM
--------------------------------	--------------

U postupku donošenja ove odluke, posebno su cijanjene činjenice da je Komisija za javne nabavke pravilno i potpuno izvršila ocjenu ponuda, u skladu sa uslovima i kriterijem iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 25., člana 64. stav (1) tačka b), člana 70. stavovi (1), (3) i (6) Zakona o javnim nabavkama Bosne i Hercegovine ("Sl. glasnik BiH", broj: 39/14, 59/22 i 50/24), člana 26. i člana 27. stav (3) Zakona o unutrašnjim poslovima Unsko-sanskog kantona ("Službeni glasnik USK-a", broj: 13/16, 16/17 i 8/24), te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23), odlučeno je kao u dispozitivu ove odluke.

POUKA O PRAVNOM LIJEKU

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi BiH putem Ugovornog organa u pisanoj formi, direktno ili elektronskim putem (e-mailom) ili preporučenom poštanskom pošiljkom na adresu Ugovornog organa.

Dostavljeno:

1. Ponuđaču TRIGLAV OSIGURANJE D.D., putem e-maila: tea.halilic-basagic@triglav.ba
2. Ponuđaču ASA CENTRAL OSIGURANJE D.D, putem e-maila: snjezana.pandurevic@asacentral.ba
3. Ponuđaču SARAJEVO - OSIGURANJE D.D, putem e-maila: tenderi.drustvo@sarajevoosiguranje.ba
4. Ponuđaču GRAWE OSIGURANJE D.D, putem e-maila: jasmin.begovic@grawe.ba
5. Ponuđaču EUROHERC OSIGURANJE D.D., putem e-maila: damir.kuric@euroherc.ba
6. Sektor za mat.-fin. poslove i IKT - za objavu
7. a/a



